



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA;

CARDINALITIIS DISPUTATIONIBUS;

*manè discutienda in Scholis Medicorum, die Martis decimo-septimo  
mensis Februarii, Anno Domini M. DCC. L.*

M. JOANNE HERMENT, Antiquiore Scholarum Magistro, Medico Regis ordinario, Doctore Medico, Præfide.

*An post cibum sumus Tabaci?*

I.



URBANIS & studio deditis frequens est stomachi imbecillitas: frequentius adhuc deliciarum patrocinium in accusacionem stomachi non merentis, quæsitum. Tardè concoquunt, aut iniesta copiosiora, vel prava coquere non possunt, præcordia instantur, noctu sitiunt, non dormiunt, aut non placidè; cibus acescit & appetentia languet; perindè est mul-  
tis. In ventriculum invehuntur, & remedium quærunt hebeti ventriculo.

A

abhorrent ab inediâ, à frugalitate, aquam abominantur, & edulia simplicia; faciliè parabilia & à ventriculo faciliè superanda. Hæc tamen forsàn laudant aliquandò, sed in usum non admittunt. Malunt morbum quem insimulant; sæpissimè faciunt, foveant, augent. Monendi tamen vel importunè. Bonum est quod naturale. Ventriculus sibi & corpori universo victum prospicit & parat. Si in functione deliquerit, non farcitur commissum. Ut non peccet animadvertendum. Norma est recta, & maximè naturalis administratio. Opus exigendum pro roboris ratione; nec nimium, nec operosius. Impedimenta removenda, quæ ferè omnia ad plenitudinem redeunt: Quod solus ventriculus potest, finendum ut faciat. Igitur ingesta arctè complectitur, nec vacuum relinquit locum, quantumlibet exiguum sit, quod in se continet. Ab omni aliâ re quiescit dum vacat cœctioni. Quævis passio actionem interturbat. Motus vehemens corporis, animi perturbatio, dolor, febris, cœctionem frustrantur. Moliris intensiorem virtutem; quæ fit tùm alteratio ciborum non est naturalis, ideòque imperfecta, aut prava. Stryum addis? Deserere cogis inceptum, quod non impunè interimitur. Una est ciborum alteratio proficua, quæ in chylum nutriturum, dulcem, pinguem, substantiæ mediocris & æqualis terminatur; talem non obtinebis unquam à vehementiâ, sed ab æqualitate, non à remotione rerum inservientium, sed opportuna adhibitione; ab organo liberè agente, necessaria admittente, non superfluis obruto.

## I I.

**Q**UÆSTIONEM moves de superfluo, de deficiente, de organo spontè agente & excitato, stimulo adhibito; de necessariis admittendis, reijciendisque superfluis. Addis, Medici officium est detractio redundantium, adjectio deficientium? Bene, si opportunè. Audi, finis Medicinæ est conservatio sanitatis præsentis, absentis restitutio, salubre ad aliud refertur, quod sanum cupimus. In eo causa est vel signum sanitatis. Totum corpus simul respicit, vel magis propriè partem determinatam. In ventriculi cœctione, totum agit corpus, ideòque prodest quod totum juvat: peculiaris est ventriculi functio, nulla ferè pars totum magis afficit & à toto magis patitur: omnibus sympathiæ causis obnoxius, sive absolutis, ut sunt substantiæ similitudo, societas operis, communitas vasorum, connexio, vicinia: vel privantibus ut influxus negatio, prohibitus effluxus, motus compressus & exstimulatus. Signum est salubre constans, si pari ratione appetatur & coquatur, atque vicissim. In ipsâ actione facilis est rei salubris tolerantia, & ab eâ solatium; post actionem, infirmitatis extinctio, restitutio sanitatis; vegetum corpus functiones bellè exequitur. Cave, credas ab evacuatione copiosâ melius futurum, aut à laboriosâ corporis concussionem. Turbatur corpus ab insalubribus, vexantur partes, functiones interpellantur. Si contingat, ut quid simile sit moliendum, id quasi per transennam, ut ab onere liberetur corpus & sibi reddatur, nec quantum vacuatum fuerit animadvertendum, sed quale, scilicet nocens & nocivum.

## I I I.

**S**I dubites an sumus tabaci functiones interturbet & vexet partes; considera, quid sit & quid præstet. Tabacum sive petum & nicotiana sulphura:

abundat & sale volatili acerrimo. Adèd vehemens est ejus oleum ad vomitum ciendum, ut naribus subiectum cogat evomere, ipsa aqua stillatitia vomitum provocet. His non uteris quæ sibi reddita & libera à suis compedi-  
bus, potentiora sunt? Sed fumus eadem continet & ex iisdem constat non omninò compactis. Magnas virtutes prædicas? Sunt reverà: sed quæ magna est virtus extremo propior est, nec sine cautelâ adhibenda. Extrema extre-  
mis reservantur. Quocumque modo adhibeas tabacum, nihil mediocre ex-  
pecta. Viride admotum potenter resolvit, tritum, vehementius; exusti ci-  
nis causticus carnes exedit putidas & chironia sanat ulcera. Siccum nari-  
bus inditum membranam convellit, ut non solùm mucus exprimaturs quasi  
sollicitatus, sed serum fundatur ut in corysâ. Folii frustulum ore contineat-  
tur, vel fumus è fistulâ excipiaturs, salivâ ductus, glandulâ maxillis appo-  
sita maximam vim salivæ evomunt, & successivâ torturâ pulmo viscosam  
pituitam exprimit è laringe & trachæâ arteriâ, è gulâ, œsophago non mi-  
nùs extrahitur. Ventriculums subvertit & nauseam vomitumque ciet. Assue-  
tos habet mitiùs: at defluentis pituitæ copia eumdem ventriculums inundat,  
è toto corpore sudorem pellit & simul alvum deturbat. Elixatum & jus cly-  
stere injectum non modò per alvum purgat, sed & per vomitum, horren-  
daque parit symptomata. Quod damni non avert salivâ, si eo fumo conspur-  
cata in ventriculums impluat: Lactæa vasa subit & in sanguinea deferet sales  
acerrimos & sulphur narcoticum. Enim verò, laudas venenum cùm sævit in  
præcordiis, conspicium cardialgiâ, nausæâ & vomitu diro. Cùm molesta ver-  
tigo quassat ebrium caput, cùm suffusio tenebrosa instantem mortem præ-  
nuntiat.

## I. V.

**S**CILICET venenum est. Venenum intelligitur, quod sub parvâ meo-  
le corpus humanum diversâ ratione lædere potest. Nihil obstat quominus  
idem venenum audiat & remedium strenuum, at periculosum. Quod in ta-  
baco & ejus excepto fumo vehementius est quàm ferri possit aut debeat,  
illud idem commendat & nocet. Primus hausti fumi effectus est nervosarum  
partium concussio. Secundus est, & à primo pendet, ebrietas, vertigo, spas-  
mus universus expressionis succorum & humorum corporis causa. Unde per ac-  
cidens, levamen: necessariò contingit partium lapsus, ruina. In juventute  
firma stamina, constans structura, & indè inculpatâ sanitas validumque ro-  
bur sustinent impetum. Quæ ab eo attritio nervorum, perversio, deprava-  
tioque functionum edocent brevi, quæ quasi senes circumveniunt incom-  
moda. Fugit frontis honor, victa membra, languet appetitus, viscera fati-  
scent, arthritis contundit articulos, caput infirmum, gelidè quidvis senex  
timidèque ministrat. Tot ubique ruinis concidentibus, sanguini intercludi-  
tur iter ut brevior in dies illius circuitus, tandem omninò cum calore de-  
sinat. A cibo fumus haustus non adèd vehementer quatit nervos, sed magis  
officit digestionis totique corpori labem inurit contumaciorem, ut cæteræ  
partes, ventriculus, & reliquis fortiùs, percellitur. Cibus non benè coctos ejic-  
cit, expressa per vim pituita permiscetur, atque, ut fit in commotione ve-  
hementi, partes emittunt quæ servanda tradiderat natura, accipiunt, quæ  
ordine constituto veruerat, ut susciperent. Hostis penetralia subit. Sic erat  
tanta cura in ciborum copiâ & delectu. Dicam quod res est, vetus erat cra-  
pula & novæ desiderium. Hæ fumi deliciae, hoc lenocinium. Venenum est,  
sed venenum cupiditatibus servit. Proditor placet in animi perturbationibus.

Corpus chylo veteri plenum & infractum<sup>4</sup> respuit de novo apposita; locus non suppetit; *fit via vi, rumpunt aditus & claustra viarum.*

V.

**A**LIMENTORUM necessitas, vini præstantia, in eduliis euchymis, substantiæ similitudo & benigna qualitarum temperies decipiunt nos. Nimiâ quantitate succi, optimi licet, oppressi jacemus inter frugalitatis encomia. Nullus intra necessitatis & naturæ limites diætam conseruat. Jugulant nos artes ad vitam conservandam & beatiorē reddendam excultæ. Chylus ex præcedenti cibatione in sanguine residuus, vel in glandulas vasæ excretoria amandatus, ob vitæ mollietiem restitat, exercitio excutiendus. Aër in eo compressus, sed calore corporis & irrequietâ cordis pulsatione valdè rarefactus, fibras omnes & organa torquet. Sensus & consuetudo novum chylum sollicitant ad leniendam ægritudinem & libertatem obtinendam chyli veteris, facti viscidioris. Hic est crapulæ sensus. Malum malo sæpè metuendo magis, pellitur. Fumus tabaci adhibetur ad crapulam solvendam, potentissimè solvit, sed damnum infert nervis, quorum fibras dimovet à situ & mutat figuram naturalem, motum inducit alienum. Functiones pervertit; titillatio in ægritudine tam gratâ, epilepsia est primùm levis, sed usu continuato crescit, & fatiscente familiâ nervæ, fatigatis cerebri membranis, ex convulsivo motu fit convulsio, succedit epilepsiæ, paralisis & apoplexia, Cætera viscera damna sua patiuntur. Longè à naturæ proposito ablunt, qui post cibum fumum hauriunt, juvare credunt ventriculum in excoquendo cibo, & turbant in opere. Coctionem sperant perfectiorem, & præter imperfectum chylum, colluviem pituitosam inferunt in yasa lactea & sanguinea; hoc unum obtinent ut perdant partem chyli quam totis votis exoptabant sibi ex præstantioribus eduliis, decepti luxuriâ.

*Non ergò post cibum, fionus Tabaci.*

Proponebat Parisiis, PETRUS-ABRAHAMUS PAJON DE MONCETS;  
Blæseus, Saluberrimæ Facultatis Medicinæ Parisiensis Baccalaureus,  
A. R. S. H. 1750, à sextâ ad meridiem,